

北斗七元星燈儀

法事如式

伏聞開明三景九晨為梵炁之宗回度五常七政乃元綱之首定樞機於太極司喉舌於圓穹吐輝則調理四時含耀而恢張萬範三十六候冥劫會於天關一十二時辯方維於地紀紫微之上拱帝座以彌高黃道之中布星躔而不忒或旁行越位正陰陽蝕蝕之期或召運傳輪應日月推移之數靈鑒而無毫。不顯淵通而有類咸均故得落死上生煥丹。文於南極延齡益算注紫筆於東華昭明積善之家脍合降祥之慶今某入夙承妙蔭生遇昌時荷帝念以崇深撫虛心而罔措輒邀真侶恭答仙科點照太上北斗延生星燈法璇極以舒壇布銀缸而建斗紫煙縹緲想華蓋以藏身丹焰焚煌遶勾陳而隱景伏願花開善瑞爐落浮災福祿增崇發靈光於壽域吉祥至止竊沖炁於高閣稽首歸依虔誠讚詠

長生保命護身天尊

臣等志心皈命樞宮大聖貪狼陽明真皇君斗中神仙諸靈官

伏聞飛晨合景樞星掌劫會之權司政糾非陽明主璇璣之運上宰九天之化中監五嶽之靈下總人倫旁分品類定死生之有命鑒

善惡以無私今某入恭欽躬心虔依妙範布斗極星辰之象備香花燈供之儀志心皈命

樞宮大聖貪狼陽明真皇君伏願回光啓耀開寶鑒於靈圖注祿添年刻生名於玉簡罪

消昔劫福蔭後昆裔歸依虔誠讚詠

貪狼延生回真四靈流光下映洞煥玄冥七元紀籍四侍體靈靈真紀錄上元衛形

冤冤長守耳目無驚攝衛扶命胎真流行保真自然上昇玉京

臣等志心皈命璇宮大聖巨門陰精真皇君斗中神仙諸靈官

伏聞星有五門協三光而遠映門開四照合萬炁以騰輝校天府之昇遷主兆民之祿壽

委質難逃於淵鑒通津實賴於明察今某入歲事瑤壇馳誠金闕布斗極星辰之象備香

花燈供之儀志心皈命璇宮大聖巨門陰精真皇君伏願身度千災命延百福天開神宇

集真元碧簡題名固長年於劫石丹臺紀善增壽算於靈椿稽首歸依虔誠讚詠

巨門度厄高真靈仙流光輝映保命延年

七元主籍自得長生消滅艱危災難移遷臟腑開明內外無愆光運合景與神同連

鍊化自然上昇玉京

臣等志心皈命璇宮大聖祿存真人真皇君斗中神仙諸靈官

伏聞偃息華蓋徒知空步之明潛洞太虛莫測飛神之妙八景九天之上道契清鍊以通

真五嶽四瀆之高仙隸黃臺而受事矧茲下土實仰餘光今某入潔已齋盟法為壇壇布

斗極星辰之象備香花燈供之儀志心皈命

璇宮大聖祿存真人真皇君伏願慶叶遐年福資浩劫三千萬之甲子地久天長一十二

之靈門陽開陰閉俯闕白日宴味沖和稽首歸依虔誠讚詠

祿存保命高真散神正炁攝伏侍衛敬賓

七元上籍運致元真流演靈明契體洞津永辟不祥內守身形削死上生與神教陳保舉自然上昇玉晨

臣衆等志心皈命權宮大聖文曲玄冥具皇君斗中神仙諸靈官

伏聞星主淵冥位司遊擊隱微潛耀領統帝之三宮福善禍淫攝黑靈之五炁或殄除凶勃飛火甲於六天或剪馘不臣耀朱兵於四鄙凡居動植皆出生成今某人洒落壇場肅清塵垢布斗極星辰之象備香花燈供之儀志心皈命權宮大聖文曲玄冥具皇君伏願。削罪除愆落九陰之鬼錄拘覓制覓得七返之仙方行藏無非橫之虞視息合太和之慶承茲上善永洽殊祥稽首歸依虔誠讚詠文曲益算流真散扶光映下衛與形同敷七元度籍洞煥玄元鎮護精神保衛形軀威神可畏具靈駕浮明視表裏與神齊俱保鍊自然上昇玉虛

臣衆等志心皈命權宮大聖廉貞丹元具皇君斗中神仙諸靈官

伏聞香霽崑崙之上交映七門隱芒金蓋之輝潛通二景絳木結素華之寶瓊津凝治鍊之膏校錄上具統攝鬼神之傳提綱下學權與生死之機今某人澡雪襟靈遵承科簡布斗極星辰之象備香花燈供之儀志心皈命

衡宮大聖廉貞丹元具皇君伏願善履三元削三災於短景順迎五運植五福於深根或在仕登禁盡繼清崇之世或行商坐賈皆為富盛之家稽首歸依虔誠讚詠

廉貞消災四明開陽上靈散輝洞映神光七元衛籍司命延昌明上紀名使我綿長保固身命除凶去殃神真吐威流演洞鄉剋勢自然上昇玉堂

臣衆等志心皈命閭陽宮大聖武曲北極真皇君斗中神仙諸靈官

伏聞玉樓炳景隱飛華宸極之星瓊簡璣文紀迴度空常之道定法輪之階級考至學之功勩飛芒耀於八門無幽不燭攝流光於萬里有礙皆通今某人委述塵寰宅心道域布斗極星辰之象備香花燈供之儀志心皈命

閭陽宮大聖武曲北極星皇君伏願一念開陞萬靈佑序渴銀河於碧漢克法遐年警巨徽於瑤空永躋上壽壺親和睦嗣族歡娛稽首歸依虔誠讚詠

武曲散禍玄映除凶三光煥照萬炁流通七元注籍列位斗中檢身護命災難不逢上皇保真命祿無終正道長存與神無窮保命自然上昇玉宮

臣衆等志心皈命瑤光宮大聖破軍天關真皇君斗中神仙諸靈官

伏聞天迴地轉瑤光推空洞之輪斗建星躔虛皇紀運行之度位尊上帝威制羣魔正炁所臨萬物遂生成之性飛罡所指百邪無逃遁之形今某人僻垢舒壇披誠奉教布斗極星辰之象備香花燈供之儀志心皈命瑤光宮大聖破軍天關真皇君伏願道契丹臺南斗注長生之字罪消幽府北都詮不死之名四序營爲盡叶光華之慶全家視履咸沾清淨之風稽首歸依虔誠讚詠

七元覆護天尊

破軍扶衰運致玄真南司保生延壽體寧
七元典籍靈真策名列位上仙合慶連升
丹靈散光洞入玄冥騰霄飛翔與神同齡
保命自然上昇玉庭
北斗七元星燈儀終